



Inatsisartunut ilaasortaq
Justus Hansen

§ 37 naapertorlugu apeqqummut nr. 108/2025-mut akissut

Brevdato: 23-10-2025
Sagsnr. 2025 - 15309

Apeqqutitut ataaniittunut akissutit matumuuna nassiunneqarput.

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@naanoq.gl
www.naalakkersuisut.gl

1. **Sunik Naalakkersuisut piumasaqaateqarpat Pilersuisup nioqqutissaanut illoqarfinni nunaqarfinnilu, pisiniarfik pingaarnertut kisiartaasutulluunniit ulluinnarnik nioqqutissanik negerooruteqarfiusunut?**
 - a. **Qanoq ililluni Naalakkersuisut nakkutigaa, Pilersuisup piumasaqaatit taakku malinnerai, tassani pingaartumik pilersussaaitaanermut, ukiup ilaagut pisussanut pilersaarusiornermut aammalu inuussutissat toqqarneqarsinnaasut allanngorartinneranut tunngatillugu?**

Akissut

Atuisut KNI Pilersuisup sullissineranik piffissami sivisuumi naammaginninnginnikuunerat Naalakkersuisut ilisimavaat. Naalakkersuisut taamatut naammaginninnginneq akueraat ataqqillugulu, Naalakkersuisullu tamanna pillugu paasisaqarusullutik ingerlatseqatigiiffimmut oqaloqateqartarput. Ingerlatseqatigiiffiup taamaalilluni naammaginninnginneq ilisimavaa, ingerlatseqatigiiffiullu pissutsinik aaqqiiniarnissaa Naalakkersuisut soorunami ilimagaat.

Nioqqutissanik pilersuineq Namminersorlutik Oqartussat aamma KNI A/S-ip sullissinissaq pillugu isumaqatigiissutaanni 17. december 2024-meersumi isumaqatigiissutigineqarnikuuvoq. KNI A/S-imik isumaqatigiissutikkut nuna tamakkerlugu sumiiffinnut arlalinnut pilersuisussaaitaavoq. Sumiiffiit nalinginnaasumik niuerneq tunngavigalugu nioqqutissanik pilersorneqarsinnaangitsut pineqarput.

Ilanngussaq nioqqutissanik pingaaruteqartunik KNI-p pisiniarfiini tuniniagassanik allattuiffik sullissinissaq pillugu isumaqatigiissummut ilanngunneqarnikuuvoq. KNI-p inuussutissat innuttaasut peqqinnerulernissaannut pisariaqartut pissarsiarineqarsinnaasut piffissap sullinnissaq pillugu isumaqatigiissusiorfiusup ingerlanerani misissortassavai nalilersoqqillugillu..

KNI allannguutit sullinnissaq pillugu isumaqatigiissummi immikkoortunut isumaqatigiissutaasunut toqqaannartumik toqqaanngitsumilluunniit pingaaruteqartut pillugit Namminersornerullutik Oqartussanut paasisutissiisarnissamik sullissinissaq pillugu isumaqatigiissut naapertorlugu pisussaaffeqarpoq. Ingerlatseqatigiiffik tamatuma saniatigut nioqqutissat pingaaruteqartut ilanngaaseereerluni akiisa ineriartornerat pillugu ukiumut ataasiarluni nassuiaasiortassaaq, Namminersorlutik Oqartussat tamatuma saniatigut nalunaarusiortarnermut piumasaqaatinik allanik aalajangersaasinnapput.

Sullissinissaq pillugu isumaqatigiisummi piumasaqaatit eqqortinneqarnersut Naalakkersuisut nakkutigiuartarpaat. Ilaatigut innuttaasunik oqaloqateqartarnikkut, tusagassiuutini ilanngutassiat innuttaasullu ataatsimut isigalugu soqutigisaat tunngavigalugit taamatut nakkutiginnittoqartarpoq, Naalakkersuisullu immikkoortumi ineriartornermi pisunik malinnaanissaat qulakkeerneqartarluni. Naalakkersuisut aamma KNI A/S-imi amerlanerussuteqarlutik piginnittuupput, taamaammallu ilaatigut Naalakkersuisut Siulittaasuata Naalakkersuisoqarfiani ingerlatseqatigiiffinnut allattoqarfik aqutigalugu suliffeqarfinnut ingerlaavartumik oqaloqateqartarlutik.

- 2. Naalakkersuisut pilersaaruteqarpat illoqarfinni aamma nunaqarfinni pilersuinnermut pissutsinik siammasinnerusumik misissuisoqarnissaaanik aallartitsinissamik pingaartumik innuttaasut immikkoortitikkannut, akinut pisiareriaannarnullu Pilersuisumi misigisartagaat ukkataralugit?**
- 3. Naalakkersuisut ilisimanerpaat innuttaasut Tasiilami Pilersuisumi pisiassat pillugit naammanngilluinnartutut misigisartagaat umiarsuilluunniit angallateruttulerneranni naligigaluarpassuk? a. Taamaassimassappat Naalakkersuisut sunik suliniuteqalersaarpat?**
- 4. Pilersuisoq Tasiilami tuniniakkat ilimanarsisippaat, Tasiilaq najugaqarfittut minnerusutut KNI-mit isigineqartoq. Tamanna ilumoorpaa? a Taamaassimassappat Naalakkersuisut piumaffigineqarput paasinnittaatsimut tassunga isumaqataanerlutik nalunaarutigeqqullugu.**

Akissut:

Apeqqutit 2, 3 aamma 4 ataatsimut akineqarput.

Tasiilami pisiniarfik niuernermi pisiniarfiuvoq angisooq taamaalillunilu sullissinissaq pillugu isumaqatigiisummut ilaanani. Tassa sullissinissaq pillugu isumaqatigiissutikkut pisortanit tapiiffigineqarneq ajorpoq. Naalakkersuisut niuernermi pisiniarfinni nioqqutissanik tuniniarneqartunik akinilluunniit aalajangiisarnernik immikkut nakkutilliineq ajorput.

Kisianni KNI pisiniarfiit ilaannut inniminnikkat annertussusissaattut naatsorsorneqartut eqqortuunnginnerannik kinguneqartumik ingerlatseqatigiiffiup uninngasuutinik nalunaarsuiffiani kukkusoqarsimanera pillugu Naalakkersuisunut manna akissutip suliarineqarneranut atatillugu ilisimatitsivoq. Tamanna nioqqutissat nungukkallarnerannik ilaatigut kinguneqarnikuuvoq.

Taamatut kukkusoqarsimanera ajuusaarnartorujussuartut Naalakkersuisut isigaat, ingerlatseqatigiiffimmullu ingerlaavartumik oqaloqateqartarnerminni taamatut kukkusoqaqqinnginnissaa nakkutigissallugu.

**5. Naalakkersuisut oqaluuserisamut soqutiginaatilinnik allanik
paasissutissiisinnaanerlutik?**

Akissut:

KNI A/S-imut sullissinissaq pillugu isumaqatigiisummik akisussaaneq suliassaqarfiit agguataarnerisa nutaap kinguneranik Nunalerinermut, Imminut Pilersornermut, Nukissiuutinut Avatangiisinullu Naalakkersuisoqarfimmit Aningasaqarnermut Akileraartarnermullu Naalakkersuisoqarfimmut nuunneqarpoq. Tamanna 1. juli 2025-mit atuutilerpoq.

Inussiarnersumik inuulluaqqusillunga



Múte B. Egede